

ESTANCES

Qu'en bòste pensamént bous èts plañ abusade !
L'amou d'un gran senhou nou dure pas toustén :
A ço qu'òm pòt besé, bous n'èts gūaire rusade
D'ama¹, coum bous amats, à qui nou bous bo bén.

Bous l'aperats galant, e b'eu hasets carésse²
Perço qu'èt a moujèns de bet còp mès que jou;
Mès bous nou-bs soubiéts³ pas que nou-y ga pas riquésse
Qu'esgale la bertut, l'esperit, e l'amou.

Bous lou troubats poulit, per ço que la riquésse,
Au jutjamént deus sòts, ei bère estrémement :
Bous n'auéts esperit, escusats-me, mestrésse,
Puch qu'amats ço qui 'éi subjèt au cambiamént.

Jou crèbi de despéit, quan ùe umou me pousse
D'ama¹ sense rasouñ un couratge⁴ ta sòt;
La bite me desplats, l'esperit s'en⁵ courrouce;
Puch, quun auji⁶ qu'èts bous, nou gausi dise mòt.

Lou tròp gran arrespèct que moun amne bous pòrte
Be-m hè téngue la bride à moun aspre courrouc;
E puch l'afecciouñ que jou-bs èi me transpòrte :
Tout eschourbat⁷ d'amou, jou nou pénsi qu'en bous.

Bela⁸ touts lous beñ hèits qu'èi jou de ma hourtune,
Bela coum bòstis ùélhs an charmat⁹ mous esprits !
Plasént bous estimats ùe persoune impourtune,
Perço que mès que jou pòrte de bèts bestits.

B. LARADE, de Mourrejau d'Arribèro.

Parla armanhaqués.

1. *Amá*, etc., archaïsme, pour *aima*. — 2. Vous lui faites bon accueil. — 3. Vous ne songez pas. — 4. Cœur, caractère. — 5. Ou *se-m* ? — 6. J'entends, litt., c'est-à-dire, je me dis. — 7. Aveuglé. — 8. Voilà. — 9. Enchanté, ensorcelé. — [Tirat de La Margalide Gascoüe, 1604, p. 118; grafíó arrejüenido.]

